



# VANYLVEN KOMMUNE

## Servicetorget

Fylkesmannen i Møre og Romsdal  
Postboks 2520

6404 MOLDE

Saksnr	Løpenr/Arkiv	Dykkar ref.	Avd/Saksansvarleg	Dato
2012/571	4788/2016 / 002		SER / NORAND	27.06.2016

## MELDING OM VEDTAK

### Kommunereform - retningsval for Vanylven kommune

Kommunestyret handsama i møte den 21.06.2016 – sak 83/2016. Følgjande vedtak vart fatta:

1. Viser til resultat av folkeavstemminga om «Stadt» og «Runde» kommunar.
2. Nei frå Vanylven til «Stadt» kommune.  
Ja frå Vanylven og Sande til «Runde» kommune.  
Nei frå Herøy, Ulstein og Hareid til «Runde» kommune.
3. Intensjonsavtalane som er inngått mellom «Stadt» kommune og «Runde» kommune blir oppheva og lagt vekk.
4. Vanylven kommune består som ufrivillig eigen kommune.  
Samarbeidet med dei nærliggande kommunane fortset og om mogleg blir utvida i åra som kjem.

Saksutgreiinga ligg ved til orientering.

Rett utskrift:

Vanylven kommune

Kåre Kvangarsnes  
konsulent

Kopi: Kommunane Sande, Herøy, Ulstein, Hareid, Vågsøy og Selje  
Ordførar  
Rådgjevar Ane Malene Søvik Nygård



# VANYLVEN KOMMUNE

## SAKSFRAMLEGG

<i>Saksnr:</i> 2012/571	<i>Arkiv:</i> 002	<i>Avd/Saksansv:</i> RÅD/NORAND
----------------------------	----------------------	------------------------------------

<b>Utvalsaksnr</b>	<b>Utval</b>	<b>Møtedato</b>
107/2016	Formannskapet	07.06.2016
83/2016	Kommunestyret	21.06.2016

## Kommunereform - retningsval for Vanylven kommune

### Tilråding:

#### **Uprenta saksvedlegg:**

Innbyggjarundersøking 2014

Innbyggjarundersøking 2015

Næringslivsundersøking 2015

Rapport frå Open Space 2014/2015

Utfordringsnotat Vanylven frå BDO-rapporten

Intensjonsavtale med Stadt kommune

Intensjonsavtale med Runde kommune

(alle dokument er tilgjengeleg på [www.vanylven.kommune.no/kommunereform](http://www.vanylven.kommune.no/kommunereform))

#### **Samandrag av saka:**

Proessen med utgreiing av ny kommunestruktur starta formelt med brev den 27. august 2014 frå statsråd Jan Tore Sanner, der kommunane vart bedne om å ta del i prosessar med sikte på å vurdere og avklare om det er aktuelt å slå seg saman med nabokommunar. Målet for kommunereforma var uttrykt slik:

- gode og likeverdige tenester til innbyggjarane
- heilskapleg og samordna samfunnsutvikling
- berekraftige og robuste kommunar
- styrke lokaldemokratiet og gje større kommunar fleire oppgåver.

I det påfølgjande forventingsbrevet frå Fylkesmannen, datert 15. oktober 2014, vert det bemerka to punkt frå Stortingvedtaket av 18. juni 2014 om kommunereforma:

- alle kommunar har ei plikt til å utgreie
- det er eit mål å sørge for gode og lokalt forankra prosessar

Vanylven kommune har i den lokale prosessen kartlagt tenestekvaliteten vår. Vi har gjennomført innbyggjarhøyringar og folkemøte og inngått intensjonsavtalar for både Runde og Stadt kommune. Innbyggjarane er informert gjennom nettsidene og eigen informasjonsavis. Folkerøysting var gjennomført den 25. april 2016 og resultatet frå folkerøystinga var 53,3 % for Runde kommune, 17 % nei og 7 % for Stadt kommune.

## **Saksopplysningar:**

### **I. Oppstartsfasen**

I løpet av hausten 2014 skulle alle kommunane i Møre og Romsdal ha diskutert og gjort vedtak om korleis dei ville køyre prosessen i sin kommune. Føresetnaden var at vi skulle ha god dialog med innbyggjarane, organisasjonar, næringsliv, medarbeidarar og tillitsvalde samt å engasjere ungdom.

Rådmannen vurderte tidleg at det var sett kort frist for arbeidet med kommunereforma, og etter at oppdraget var gitt frå statsråden, var saka til politisk handsaming allereie første gang den 9. september 2014, der:

"rådmannen [vil] tilrå at Vanylven kommune tek initiativ til samtalar med nabokommunane, både på administrativt og politisk nivå. På administrativt nivå ynskjer rådmannen eit mandat til å drøfte med nabokommunane om fordeling av funksjonar, infrastrukturtiltak og innhald i lokalt tenestetilbod. Dette slik at politikarane kan få lagt fram ulike utkast til funksjonsfordeling, infrastrukturtiltak og tenestetilbod, i høve til ulike tenkte kommunesamanslåingar, når vi skal ta stilling til og tilrå kva kommunestruktur som er best for Vanylvens sine innbyggjarar."

I saksframlegget var det vidare fokusert på at rådmannen ynskte at kommunen i forhandlingane med nabokommunane skulle fokusere på:

1. god økonomisk styring
2. god tenesteproduksjon
3. omstillingsevne

Dette slik at drøftingane om kommunestrukturen ikkje skulle bli ein debatt om:

1. kommunenamn
2. kommunevåpen
3. rådhusplassering

Med bakgrunn i dette var det påpeika at det er:

"[...] særst viktig at innbyggjarane våre også forstår behovet for å ha fokus på desse områda og at vi kan synleggjere moglegheitene for eit godt lokalt tenestetilbod, også når vi er ein del av ein storkommune. Vi må difor ha ein god dialog med innbyggjarane om kommunereforma og gi god informasjon om arbeidet med kommunesamanslåinga."

Det var vidare vist til inndelingslova § 10:

"§ 10. Innbyggjarhøyring. Kommunestyret bør innhente innbyggjarane sine synspunkt på forslag til grenseendring. Høyringa kan skje ved folkerøysting, opinionsundersøking, spørjeundersøking, møte eller på annan måte."

Rådmannen viste til at ei innbyggjarundersøking, med eit representativt utval i krinsane, ville gi eit godt grunnlag for å få fram synspunkta til innbyggjarane våre.

I tillegg til å vedta handlingsplanen, oppnemnde kommunestyret den 9. desember 2014 ei lokal kommunereformgruppe med fokus på å gjennomføre arbeidet med kommunereforma. Grappa var breitt samansett med representantar frå politiske parti, administrasjonen, næringsliv, ungdområdet og tillitsvalde. Ein har følgd framdriftsplan frå fylkesmannen i Møre og Romsdal:

	Frist for utgreiing	Sondeingar	Frist for retningssval	Forhandlinger	Frist for avslutning av forhandlinger	Adm. beh. interensjons-avtale	Påske	Politisk beh. interensjons-avtale	Frist for politisk beh. interensjons-avtale	Interensjonsavtale på høring/folkerøysting	Frist for gjennomført høring/folkerøysting	Frist adm. saksutgreiing	Politisk behandling av interensjons-avtale	Frist for endelig vedtak
Desember	Uke 52	31. des												
	Uke 53													
	Uke 1													
	Uke 2													
Januar	Uke 3		31. jan											
	Uke 4													
	Uke 5													
	Uke 6													
Februar	Uke 7													
	Uke 8													
	Uke 9													
	Uke 10													
	Uke 11				20. mar									
Mars	Uke 12													
	Uke 13													
	Uke 14													
	Uke 15													
	Uke 16								15. apr					
April	Uke 17													
	Uke 18													
	Uke 19													
	Uke 20													
	Uke 21													
Mai	Uke 22													
	Uke 23													
	Uke 24													
	Uke 25													
Juni	Uke 26													30. jun

Rådmannen viser til at regjeringa la til grunn tilråding frå det såkalla «Ekspertutvalet» i kommunereformsaka, og utvalet la fram tilrådingar:

- «1. Kommunene bør ha minst 15 000-20 000 innbyggere for å sikre god oppgaveløsning
2. Kommunestrukturen bør i større grad nærme seg funksjonelle samfunnsutviklingsområder
3. Staten bør redusere detaljstyringen, og ordninger for politisk deltagelse bør vidareutvikles for å sikre gode og slagkraftige demokratiske arenaer»

Med bakgrunn i dette var det lagt fram skisse til ei oppgåvefordeling til kommunen, der kommunen skulle få meir ansvar, til dømes hjelpemiddel, tannhelseteneste, rehabilitering m.m.

## II. Utgreiingsfasen

Vanylven kommune fekk gjennom ei stor innbyggjarundersøking hausten 2014 eit statusbilete av innbyggjarane sitt syn på kommunereforma før vi starta med utgreiinga. Det var meir enn 500 som svarte på undersøkinga og det var ei positiv haldning til reformarbeidet.

Rådmannen la til grunn for arbeidet med kommunereforma at det var viktig å dokumentere og vurdere:

- tenestene til Vanylven kommune
- samfunnsutviklinga i Vanylven kommune
- vurdering av lokaldemokrati i Vanylven kommune
- samt behovet for større, robuste kommunar

Kommunen har i samsvar med kommunestyret sitt vedtak i 2014 hatt innleiande møte med dei fleste av nabokommunane våre (9 av 11) samt gjennomført ein næringslivsundersøking og ei ny innbyggjarundersøking hausten 2015. Forhandlingar med moglege samarbeidskommunar var gjennomført og kommunen tok retningsval innanfor fristen den 31. januar 2016

Det var viktig for rådmannen at vi i samtalanene om intensjonsavtalar hadde fokus på at tenestekvalitet er eit av dei områda som bør målast etter ei eventuell kommunesamanslåing.

Vanylven kommune hadde i 2015 køyrd prosessar for å avklare og styrke det lokale tenestetilbodet – vi gjennomførte 14 brukarundersøkingar; ei innbyggjarundersøking på samfunnsutvikling samt ei tenesteanalyse av KS gjennom Kommunekompasset.

Brukarundersøkingane viste at tenestekvaliteten i Vanylven kommune ligg på snittet for Noreg og synleggjer fokusområde for arbeid med å forbetre kommunen sine tenester. Fokus på å forbetre tenestene er viktig, både i det vidare arbeidet som eigen kommune og sjølvstøtt og ved ei samanslåing med andre kommunar.

Innbyggjarundersøkinga om samfunnsutviklinga og vurdering av lokaldemokratiet var sendt ut til 2 600 innbyggjarane, som er tilsvarande alle innbyggjarane over 18 år. Det var 789 innbyggjarar som svarte på denne undersøkinga. Det tilsvarar 30 % av våre innbyggjarar over 18 år. Undersøkinga syner at Vanylven kommune har eit stort forbetringspotensial i forhold til samfunnsutvikling.

Vurdering av lokaldemokratiet som kjem under "Møte med din kommune" er lågt, men har tilsvarande resultat som for andre kommunar. I tillegg til å gi viktig informasjon til arbeidet med kommunereforma, er desse undersøkingane/analysane sjølvstøtt og viktige i det kontinuerlege arbeidet med å forbetre kommunen sitt arbeid på dei fire kjerneområda.

Tenesteanalysen gjennom KS sitt Kommunekompass synleggjer måten kommune jobbar på. Denne rapporten tydeleggjer to område som det er nødvendig å ha fokus på, og dette er service og arbeidsgjevarpolitikken.

Med bakgrunn i desse undersøkingane og analysane, vurderer rådmannen det slik at det er mogleg for kommunen å oppnå god tenestekvalitet; ha ei god samfunnsutvikling; forbetre lokaldemokratiet og ha fokus på service og arbeidsgjevarpolitikk – både som eigen kommune og i samarbeid med andre.

Rådmannen vil likevel understreke at det uansett er nødvendig med samarbeid med andre kommunar på kompetansekravjande områder, som til dømes IKT, barnevern, planlegging og økonomi. Dette er områder som rådmannen legg til grunn ikkje blir liggjande organisatorisk i Vanylven kommune dersom vi står åleine, sjølv om arbeidsplassane ikkje blir flytta – det blir her vist til Meld.St. 14 "Kommunereformen – nye oppgaver til større kommuner", side 24:

" I lys av kommunereformens mål og prosess vil det samtidig være naturlig å utrede og belyse andre vilkår enn at det foreligger for store geografiske avstander som grunnlag for å pålegge kommuner å samarbeide. Formålet med en slik samarbeidsregel vil være å sikre innbyggerne et faglig forsvarlig tilbud. Enkelte slike hjemler eksisterer i dag i særlovgivningen, og en generell hjemmel vil kunne erstatte disse særbestemmelsene. Den aktuelle kommunens fagkompetanse vil være sentral for vurderingen av når det vil kunne være aktuelt å anvende bestemmelsen. Departementet vil også utrede om pålegget skal kunne brukes for å sikre innbyggernes rettssikkerhet i kommunalforvaltningen. I utredningen vil det også vurderes om man på forhånd kan angi særskilte tjenesteområder som vil kunne være aktuelle for pålagte samarbeid. Den framtidige kommunestrukturen og omfanget av nye oppgaver til kommunene vil kunne avgjøre omfanget av slike pålagte samarbeid. Departementet tar sikte på å fremme forslag for Stortinget om dette våren 2017 [...]"

Dersom Stortinget besluttar å samle dei kompetansekravjande fagområda for fleire kommunar, vil eit alternativ til ei kommunesamanslåing vere «kommuneblokkmodellen», slik Geir Vinsand skriv om i ein artikkel i Dagbladet den 30. mai 2016:

«Tosporsløsningen. Den åpner for økt interkommunalt samarbeid gjennom "kommuneblokker" som et alternativ til kommunesammenslåing. Mens regjeringen har frarådet mot økt interkommunalt samarbeid fordi det anses som udemokratisk, og gjort samarbeidsmodellen som kalles "samkommune" ulovlig, mener Vinsand det er gode argumenter for å gi norske kommuner samme valgalternativ som danske kommuner fikk: Valget mellom en ny regionkommune eller en ny forpliktende samarbeidsstruktur som tilfredsstillende de nasjonale inndelingsprinsippene. »

Med ei slik løysing vil Stortinget gå vekk i frå generalistkommunane, og dette vil bety at den geografiske inndelinga vil bli uendra, medan tenestetilbodet blir differensiert.

Utfordringane blir å sikre god demokratisk styring dersom Stortinget vel «Kommuneblokk»-modellen med interkommunale samarbeid, men dette kan løysast med prinsippa som låg til grunn for samkommunemodellen.

### III. Beslutningsfasen

I samband med kommunereformarbeidet måtte det veljast eit forhandlingsutval frå kommunen. I saksutgreinga var det definert at utvalet, som i nabokommunane burde bestå av ordførar, varaordførar, gruppeleiar i det største opposisjonspartiet og rådmann og formannskapet fatta følgjande vedtak i møte den 19.11.2015 – sak 146/2015:

«Til forhandlingsutval i samband med kommunereforma vert desse valde: Ordførar Lena Landsverk Sande, Varaordførar Bjarne Sætrene, Gruppeleiar i Ap Ottar Jan Løvoll, Rådmann Andreas Chr. Nørve»

Vanylven kommune gjekk i starten av 2016 inn i den siste fasen (beslutningsfasen) i kommunereformarbeidet og spørsmålet var om vi i utgreiingsfasen har evna å innfri dei forventningane vi la for arbeidet i oppstartsfasen i 2014:

1. Kva er viktig for innbyggjarane ved ei eventuell kommunesamanslåing?
2. Har kommunen utad klart å skape forståing for arbeidet med kommunereforma?

Det er ikkje føremålstenleg å gjere ei eigenvurdering på slike spørsmål og vi byggjar difor på innbyggjarundersøkinga frå november 2015.

Når det gjeld kva som er viktig for innbyggjarane, viser innbyggjarundersøkinga følgjande:

- 79 % stå saman for å utvikle næringsliv og arbeidsplassar
- 65 % betre moglegheiter for arbeidspendling
- 62 % sikre god representasjon frå Vanylven i det nye kommunestyret
- 60 % vidareføre drift av skuler og barnehagar i Vanylven

Dette tydeleggjer at vi i Vanylven kommune har unngått at kommunereforma har blitt ein debatt om plassering av rådhuset og namn på kommunen, men at fokuset er kva samfunnsutvikling og tenester innbyggjarane meiner er viktige for Vanylven kommune.

Når det gjeld spørsmålet om kommunen har klart å skape forståing for arbeidet med kommunereforma, er svaret frå innbyggjarundersøkinga:

- 54 % av innbyggjarane er nøgd med kommunen si leiing av arbeidet
- 31 % av innbyggjarane er nøgd med staten si leiing av arbeidet

Vi kan difor kunne konkludere med at kommunen har lukkast med involvering av innbyggjarane i denne saka. Tilsvarande resultat var det i næringslivsundersøkinga, der 58 % var nøgd med kommunen si leiing av kommunereformarbeidet.

I den siste fasen var det fokus på retningsval, intensjonsavtalar og innbyggjarhøyring og kommunestyret la føringar for dette arbeidet i vedtak av 8. desember 2015:

”Vanylven kommunestyre vil at arbeidet med å framforhandle intensjonsavtalar med nærliggande kommunar må fortsette. Vi skal forhandle med Sande, Ulstein, Herøy og Hareid, på lik linje som vi forhandlar med Selje, Vågsøy og Eid kommune. Det skal gjennomførast ei rådgjevande folkeavstemming over dei ulike alternativa.”

Med bakgrunn i dette vedtaket la rådmannen til grunn at det skal utarbeidast intensjonsavtaler og/eller utkast til intensjonsavtalar som skal leggjast fram til innbyggjarane for høyring.

Rådmannen vurderte det slik at det ville vere to ulike alternativ for å kunne lukkast med ein samanslåingsprosessen:

1. Forpliktande fordeling av tenesteområde med ein viss varigheit
2. Forpliktande avtale om følgjande arbeidsmetode:
  - a. ikkje gå raskare fram enn at du får med deg alle kommunane
  - b. alle kommunane må vere einige om avgjerslene
  - c. krav om at alle kommunane skal bli einige

Rådmannen viser til at i intensjonsavtale for både Runde og Stadt kommune er lagt til grunn det første alternativet om ei forpliktande fordeling av tenesteområda som utgangspunkt.

Alternativet for Stadt kommune la i hovudsak til grunn ei fordeling av bestemte stillingar, medan det for Runde kommune i hovudsak var lagt til grunn ei rein prosentfordeling. For Runde kommune kartla Vanylven kommune difor relevante stillingar for alle kommunane. Deretter innhenta vi stillingstalet for ei tilsvarande kommune i folketal, som var Hamar kommune, for å sikre at

Folketal	30 121	28 406	8 972	3 256	8 430	5 189	2 559
<b>Avdeling</b>	<b>Hamar</b>	<b>Runde</b>	<b>Herøy</b>	<b>Vanylven</b>	<b>Ulstein</b>	<b>Hareid</b>	<b>Sande</b>
Personal- og organisasjon	6	15,60	5,00	1,90	4,50	3,40	0,80
NAV (kommunal del)	35,6	13,70	6,00	2,00	2,50	2,00	1,20
Flyktingtenesta	10	7,60	2,00	1,00	3,00	1,00	0,60
Servicetorget	9	19,60	5,50	3,30	3,30	3,30	4,20
Økonomiavdeling	27,9	25,60	7,00	3,30	5,50	5,80	4,00
Landbrukskontor	7	6,00	1,72	1,00	1,16	1,12	1,00
Politisk leiing	2	5,62	1,20	1,12	1,20	1,00	1,10
Pleie- og omsorgsavdelinga	8	14,50	5,50	3,50	3,50	1,00	1,00
Rådmann	2	6,80	1,00	1,80	2,00	1,00	1,00
Dokumentsenter og politisk sekr.	10,8	6,80	2,50	1,00	1,50	1,00	0,80
IKT ( SSIKT stillingar fordelt)	11,61	15,34	4,26	2,46	5,89	1,73	1,00
Folkehelse	6	2,00	0,50	0,50	0,50	0,50	0,00
Innkjøp	3	1,00	1,00	0,00	0,00	0,00	0,00
Kultur	7	8,30	2,00	1,80	3,00	1,00	0,50
Eigedomsavdeling	2	12,00	6,00	0,00	4,00	2,00	0,00
Skuleavdelinga	7	9,50	3,00	1,00	3,10	1,00	1,40
PPT	10	15,69	4,50	2,10	4,75	2,64	1,70
Barnehage	1	3,00	1,00	0,50	0,50	1,00	0,00
Barn, familie og helse(lege)	43,2	28,90	9,50	5,10	7,00	4,50	2,80
Utvikling, teknisk og brannsjef	44,4	44,43	14,00	6,00	10,60	11,30	2,53
Kommuneadvokat	4	0,00	0,00	0,00	0,00	0,00	0,00
<b>Årsverk totalt</b>	<b>257,51</b>	<b>261,98</b>	<b>83,18</b>	<b>39,38</b>	<b>67,50</b>	<b>46,29</b>	<b>25,63</b>

Årsverk per 1000 innbyggjarar	8,55	9,22	9,27	12,09	8,01	8,92	10,02
-------------------------------	------	------	------	-------	------	------	-------


Rådmannen legg til grunn at det skal fordelast 242 stillingar, dersom strategisk leiing i Myrvåg skal ha 20 stillingar. Vanylven kommune skal ha 15 % av dei 242 stillingane, noko som vil utgjere 36 stillingar.



Rådmannen vurderer det slik at Vanylven kommune i framtida, uavhengig av resultat for kommunereforma, vil ha mellom 20 og 36 stillingar på rådhuset i 2020.


## Fordeling av stillingar

pr 2016 og fordelt i henhold til intensjonsavtalane




Dersom vi blir ståande åleine, er vurderinga til rådmannen at vi må søkje tettare samarbeid på fleire fagområde, slik vi i dag har det på IKT. Rådmannen har i denne samanhengen fokus på at vi mellom anna får sentralbordfunksjonen for kommunane i nærområdet. Såleis vil vi sikre trygge og gode arbeidsplassar på rådhuset, uavhengig av resultatet av kommunereforma. Rådmannen vil peike på at Vanylven kommune disponerer fiber over heile Søre Sunnmøre og Nordfjord, noko som er ein føresetnad dersom vi skal ta over sentralbordet med tilhøyrande funksjonar, som til dømes styring av videokonferansar.

Vanylven kommune vil uansett resultat fokusere på å forbetre oss på tenestane, både overfor innbyggjarane, tilsette og det politiske miljøet. Dette er eit arbeid som starta i samband med arbeidet med kommunereforma og som vi vil fokusere på framover, åleine eller i samarbeid med andre. Dette gjer vi for å sikre gode tenester, som er nødvendig for å skape eit samfunn som sikrar folketalsvekst:




Ein av grunnsteinane for å kunne fokusere på kvalitet i tenestane, er god økonomistyring. Vanylven kommune viser her til at vi uansett ståstad har eit godt utgangspunkt og viser til gjeld og netto driftsresultat.

## Gjeld pr innbyggjar (2015 - 2019) og netto driftsresultat (2014)




I Inndelingslova er det eit krav at innbyggjarane skal høyrast og at dette bør skje når samanslåingsalternativa er klare. Vanylven kommune har på dette området vore aktive. Vi har i tillegg til folkerøystinga no i april hatt to eigne innbyggjarundersøkingar samt to undersøkingar som Sunnmøre Regionråd har utført – men for å kunne tydeleg syne utviklinga, har ein nytta eigne undersøkingar, sidan spørsmåla i størst grad var samanliknbare.



Resultatet av folkerøystinga 25.04.2016 er som følger

## Resultat folkerøysting 25.04.2016



Sitat frå departementet sitt oppdragsbrev til fylkesmannen:

*«Alle kommuner skal fatte kommunestyrevedtak innen sommeren 2016, og disse skal meldes inn via Fylkesmannen. I tillegg skal Fylkesmannen på selvstendig grunnlag gjøre en vurdering av om de samlede kommunestyrevedtakene der det legges vekt på helheten i regionen og fylket. I Fylkesmannens tilbakemelding til departementet bes det om at det blir gjort en vurdering om vedtakene er i tråd med hovedpunktene i reformen, jfr. kap 4 i kommuneproposisjonen for 2015.»*

Med bakgrunn i dette vil rådmannen tilrå at politikarane tek eit standpunkt i saka og gir ei tilråding uavhengig av dei andre kommunane.

### **Vurdering og konklusjon:**

Kommunestyret vedtok i møte den 12.01.2016 følgjande tre alternativ i kommunesamanslåingsprosessen:

1. Ytre søre Sunnmøre med kommunane Sande, Ulstein, Herøy og Hareid
2. Nordfjord med kommunane Vågsøy og Selje
3. Vanylven skal bestå som eigen kommune

Resultatet frå folkerøystinga gav følgjande resultat

1. Ytre søre Sunnmøre med kommunane Sande, Ulstein, Herøy og Hareid
2. Vanylven skal bestå som eigen kommune
3. Nordfjord med kommunane Vågsøy og Selje

Rådmannen tilrår at Vanylven kommune gir eit alternativ til kommunesamanslåing i tillegg til det å stå åleine – dette for å unngå at vi blir sett på som «å stå frivillig åleine».

Vidare er det klart at dersom vi får forhandla fram eit nytt alternativ, vil ikkje vedtaket vårt i juni 2016 vere ei hindring for å sende inn eit nytt vedtak til fylkesmannen innan september 2016.

Fiskå, 23.05.2016

Andreas Chr. Nørve

rådmann

### **Handsaming i formannskapet:**

Framlegg frå Ap og Sp v/Ottar Jan Løvoll:

1. Viser til resultat av folkeavstemminga om «Stadt» og «Runde» kommunar.
2. Nei frå Vanylven til «Stadt» kommune.  
Ja frå Vanylven og Sande til «Runde» kommune.  
Nei frå Herøy, Ulstein og Hareid til «Runde» kommune.
3. Intensjonsavtalane som er inngått mellom «Stadt» kommune og «Runde» kommune blir oppheva og lagt vekk.
4. Vanylven kommune består som ufrivillig eigen kommune.  
Samarbeidet med dei nærliggande kommunane fortset og om mogleg blir utvida i åra som kjem.
5. Vanylven kommune vil vere i ein open dialog med nabokommunane.

Fellesframlegg frå V, Krf, Frp og H:

Vanylven kommune viser til folkerøystinga, og rår til ein storkommune saman med Hareid, Ulstein, Herøy og Sande (Runde kommune).

Vi registrerer at folkerøystingane i Ulstein, Herøy og Hareid ikkje ynskjer ein storkommune.

Vanylven kommune tek sikte på å halde ope for dialog med nærliggande kommunar, med tanke på framtidig samanslåing.

Votering:

**5 røyster for fellesframlegget.**

**2 røyster for framlegget frå Ottar Jan Løvoll.**

### **VEDTAK:**

Formannskapet tilrår:

Vanylven kommune viser til folkerøystinga, og rår til ein storkommune saman med Hareid, Ulstein, Herøy og Sande (Runde kommune).

Vi registrerer at folkerøystingane i Ulstein, Herøy og Hareid ikkje ynskjer ein storkommune.

Vanylven kommune tek sikte på å halde ope for dialog med nærliggande kommunar, med tanke på framtidig samanslåing.

### **Handsaming i kommunestyret:**

Framlegg frå Ap og SP v/Ottar Jan Løvoll:

1. Viser til resultat av folkeavstemminga om «Stadt» og «Runde» kommunar.
2. Nei frå Vanylven til «Stadt» kommune.  
Ja frå Vanylven og Sande til «Runde» kommune.  
Nei frå Herøy, Ulstein og Hareid til «Runde» kommune.
3. Intensjonsavtalane som er inngått mellom «Stadt» kommune og «Runde» kommune blir oppheva og lagt vekk.
4. Vanylven kommune består som ufrivillig eigen kommune.  
Samarbeidet med dei nærliggande kommunane fortset og om mogleg blir utvida i åra som kjem.

Framlegg frå ordførar Lena Landsverk Sande:

1. Vanylven søker om å bli ein del av ei større kommune saman med kommunane på ytre søre Sunnmøre.
2. Vanylven kommunestyre viser til folkerøysting av 25.04.16, der folket rår til ei kommunesamanslåing. Totalt svarte 61% ja til samanslåing. 53% av dei røystande stemde for Runde-alternativet (Hareid-Ulstein-Herøy-Sande-Vanylven). Tre av kommunane har gjennom folkerøysting sagt nei, medan Vanylven og Sande har sagt ja.
3. Vi har fått stadfesting frå Fylkesmannen på at vi framleis kan forhandle i høve samanslåing. Eit evt. nytt vedtak må vere stadfesta av kommunestyret innan 1. september.
4. Vanylven kommunestyre held ope for samtalar med nærliggande kommunar, med tanke på framtidig samanslåing.

Votering:

Først vart framlegget frå Ap og Sp v/Ottar Jan Løvoll sett opp mot tilrådinga frå formannskapet.

**12 røyster for framlegget frå Ap og Sp v/Ottar Jan Løvoll.**

**9 røyster for tilrådinga frå formannskapet.**

Deretter vart framlegget frå ordføraren sett opp mot framlegget frå Ap og Sp v/Ottar Jan Løvoll.

**12 røyster for framlegget frå Ap og Sp v/Ottar Jan Løvoll.**

**9 røyster for framlegget frå ordføraren.**

#### **VEDTAK:**

1. Viser til resultat av folkeavstemminga om «Stadt» og «Runde» kommunar.
2. Nei frå Vanylven til «Stadt» kommune.  
Ja frå Vanylven og Sande til «Runde» kommune.  
Nei frå Herøy, Ulstein og Hareid til «Runde» kommune.
3. Intensjonsavtalane som er inngått mellom «Stadt» kommune og «Runde» kommune blir oppheva og lagt vekk.
4. Vanylven kommune består som ufrivillig eigen kommune.  
Samarbeidet med dei nærliggande kommunane fortset og om mogleg blir utvida i åra som kjem.